

唐均正 式

顧氏音學五書

卷之五

卷之五



唐韻正下平聲卷之五

音學五書
二十一

十陽

十一唐

古與十陽通爲一韻

十二庚

此韻當分爲二

古行切

庚

古音古郎反 詩七月二章春日載陽有鳴倉庚女執懿筐遵彼微行爰求柔桑 大東六章雖則七襄不成報章

睨彼牽牛不以服箱東有啟明西有長庚有捄天畢載施
之行 史記孝文紀大橫庚庚余爲天王夏啟以兗 太
史公自序管蔡相武庚將寧舊商及旦攝政二叔不響殺
鮮放度周公爲盟太任十子周以宗彊 晉陸機管叔鮮
贊公旦居攝三監叛亾或放或殛并禍武庚 韻補庚居
郎切說文庚位西方象秋時萬物庚庚有實也釋名庚剛
也堅彊貌也 莊子庚桑楚音義曰庚桑姓也太史公書
作亢桑按今史記莊周傳作亢桑子列子作亢倉子 又
按說文唐穰皆以庚得聲

更

古音同上 禮記少儀急則張而相之廢則埽而更之
漢司馬相如長門賦衆雞鳴而愁予兮起視月之精光觀
衆星之行列兮畢昂出於東方望中庭之藹藹兮若季秋
之降霜夜曼曼其若歲兮懷鬱鬱其不可再更澹偃蹇而

待曙兮羌亭亭而復明妾人竊自悲兮究年歲而不敢忘
越絕書計倪內經王無忽忘慎無如會稽之饑不可再
更太玄經更次六入水載車出水載杭宜于王之更
測童牛角馬變天常也車杭出入其道更也更不更能自
臧也駟馬跂跂更御乃良也不終之代不可長也玄衝
裝徙鄉止不行衆溫柔堅寒剛密不可間成不可更焦
仲卿妻詩中有雙飛鳥自名爲鴛鴦仰頭相向鳴夜夜達
五更行人駐足聽寡婦起彷徨多謝後世人戒之慎勿忘
後漢書樊宏傳封族兄忠更父侯更父卽亢父也張
昭曰說文更从攴丙聲玉篇从正文末註今作更

杭

古音同上急就篇稻黍秫稷粟麻杭通章皆用陽韻
說文杭从禾亢聲

羹

古音同上 詩蕩六章文王曰咨咨女殷商如蜩如蟬如
沸如羹小大近喪人尚乎由行內鬯于中國覃及鬼方
閼宮四章秋而載嘗夏而福衡白牡騂剛犧尊將將毛魚
載羹籩豆大房萬舞洋洋孝孫有慶俾爾熾而昌俾爾壽
而臧保彼東方魯邦是常 禮記禮運然後退而合亨體
其犬豕牛羊實其簠簋籩豆鉶羹祝以孝告嘏以慈告是
謂大祥 楚辭招魂室家遂宗會多方些稻粢穬麥秬黃
粱些大苦鹹酸辛甘行些肥牛之臠臠若芳些和酸若苦
陳吳羹些臠鼈炮羔有柘漿些鵠酸臠鳧煎鴻鵠些露雞
臠蠨厲而不爽些粃粃蜜餌有餽餽些瑤漿靈勺實羽觴
些挫糟凍飲耐清涼些華酌既陳有瓊漿些歸反故室敬
而無妨些 大招五穀六仞設菰粱只鼎臠盈望和致芳
只內鴈鵠鵠味豺羹只魂乎歸徠恣所嘗只 韓非子內
儲說下夫挾相爲則責望自爲則事行故父子或怨譟取
庸作者進美羹說在文公之先宣言與句踐之稱如皇也
故桓公藏蔡怒而攻楚吳起懷瘳實而吮傷 淮南子人

間訓糲粢之飯藜藿之羹冬日則寒凍夏日則暑傷 秦
族訓家老異飯而會殊器而高子婦跣而上堂跪而斟羹
史記龜策傳紂有諛臣名爲左彊誇而目巧教爲象郎
將至於天又有玉林犀玉之器象箸而羹 急就篇餅餌
麥飯甘豆羹 易林豫之小畜蝙蝠夜藏不敢晝行酒爲
酸漿魴鳧鮑羹 隨之艮卦羊不當血少無羹女執空筐
不得採桑 漢楊雄蜀都賦甘甘之和芍藥之羹江東鮐
鮑隴西牛羊 張衡東京賦物牲辨省設其福衡毛魚豚
胎亦有和羹滌濯靜嘉禮儀孔明萬舞奕奕鍾鼓嚶嚶靈
祖皇考來顧來饗神具醉止降福穰穰 後漢書李固傳
坐則見堯於牆食則覩堯於羹 梁江淹學梁王兔園賦
乃射宿餌魴前繳鸛鵒青黏黃梁臠鼈截羹臠狝柘漿
左傳昭十一年楚子城陳蔡不羹釋文音郎正義曰古者
羹臠之羹音亦爲郎故魯頌楚辭急就章與房漿糠爲韻
近世以來獨以此地音爲郎耳 陳第曰羹音岡

阮

客庚切

古音苦岡反 楚辭九歌大司命高飛兮安翔乘清氣兮
 御陰陽吾與君兮齊速導帝之兮九阮 莊子天運篇吾
 又奏之以陰陽之和燭之以日月之明其聲能短能長能
 柔能剛變化齊一不主故常在谷滿谷在阮滿阮塗卻守
 神以物為量其聲揮綽其名高明 左傳哀十四年阮氏
 葬諸丘輿阮音苦庚反或音岡 漢書揚雄傳甘泉賦陳
 眾車於東阮兮杪獵賦趾轡阮註竝讀作岡 說文阮从
 自亢聲 今此字兩收於十二庚四十二宕部中

坑

古音同上 漢東方朔七諫高山崔巍兮水流湯湯从日
 將至兮與麋鹿同坑坑文苑作岡 說苑敬慎篇吾嘗見
 江河乾為坑正冬采榆葉仲夏雨雪霜千乘之君萬乘之
 主从而不替 易林大壯之困道涇為坑輪陷躓僵 馬

融園基賦已下險口兮鑿置清坑窮其中罨兮如鼠入囊
收从卒兮無使相迎當會不會兮反受其殃

武庚切

旨

古音武郎反 老子五色令人目旨五音令人耳聾五味
令人口爽馳騁田獵令人心發狂難得之貨令人行妨惟
聾字非韻 荀子侂詩天地易位四時易鄉列星隕墜旦
暮晦旨 昭昭乎其知之明也郁郁乎其遇時之不祥也
拂乎其欲禮義之大行也閤乎天下之晦旨也 呂氏春
秋尊師篇且天生人也而使其耳可以聞不學其聞不若
聾使其目可以見不學其見不若旨使其口可以言不學
其言不若爽使其心可以知不學其知不若狂惟聾字非
韻 任數篇何以知其聾以其耳之聰也何以知其旨以
其目之明也 易林乾之遯翊折目旨爲鳩所傷 否之
噬嗑伯蹇叔旨足痛難行終日至暮不離其鄉 大有之
益左眇右旨視暗不明下民多孽君失其常 急就篇痴

疣疥癘癰聾盲 太玄經沈測沈于美作聾盲也宛雛沈
視擇食方也雕鷹高翔在腐糧也見粟如累其道明也離
婁赤肉食不臧也 參同契謬誤失事緒言還自敗傷別
序斯四象以曉後生盲 說文盲从目亡聲 釋名盲茫
也茫茫無所見也 周禮內饗豕盲眊而交睫腥杜子春
云盲眊當爲望視

𧈧

古音同上 亦作𧈧管子地員篇其山之旁有彼黃𧈧及
彼白昌山藜葦芒羣藥安聚以圉民殃 易林解之晉去
如奔𧈧害不能傷 淮南子見啄字下 晉書潘岳傳激
矢𧈧飛𧈧音莫亡反 說文𧈧从𧈧亡聲

𧈧

古音同上 亦作𧈧詩載馳三章陟彼阿丘言采其𧈧女
子善懷亦各有行許人尤之衆穉且狂 韻補𧈧貝母艸

說文苗从艸明省聲明謨郎切徐鍇繫傳曰貝母一名苗
治目眩不得返顧許穆夫人思歸衛不得而作詩曰言采
其苗今詩作蟲假借愚按蟲苗二字同音蓋傳寫之誤漢
張衡西京賦王芻苗臺蔡邕述行賦薑蕒與臺苗皆作
苗

橫

戶旨切

古音黃 楚辭九辯收恢台之孟夏兮然欲僚而沈藏葉
菸邑而無色兮枝煩拏而交橫顏淫溢而將罷兮柯彷彿
而萎黃薊櫛櫛之可哀兮形銷鑠而瘀傷惟其紛糅而將
落兮恨其失時而無當擘騏驎而下節兮聊逍遙以相佯
歲忽忽而適盡兮恐余壽之弗將悼余生之不時兮逢此
世之倥傯澹容與而獨倚兮蟋蟀鳴此西堂心怵惕而震
盪兮何所憂之多方仰明月而太息兮步列星而極明
宋玉高唐賦於是水蟲盡暴乘渚之陽黿鼉鱣鮪交積從

橫 戰國策蘇秦說秦惠王約從連橫兵革不藏 荀子
俛詩幽闇登昭日月下藏公正無私反見從橫 靈樞經
師傳篇鼻隧以長以候大腸脣厚人中長以候小腸目下
果大其膽乃橫 論勇篇其肝大以堅其膽滿以傷怒則
氣盛而胃張肝舉而膽橫背裂而目揚毛起而面蒼 漢
嚴忌哀時命車旣弊而馬罷兮蹇邐徊而不能行身旣不
容於濁世兮不知進退之宜當冠崔嵬而切雲兮劒淋離
而從橫衣攝葉以儲與兮左祛挂於搏桑右衽拂於不周
兮六合不足以肆行 司馬相如長門賦左右悲而垂淚
兮涕流離而從橫舒息悒而增欷兮蹠履起而彷徨揄長
袂以自翳兮數咎日之謬殃無面目之可顯兮遂頽思而
就牀 淮南子說林訓未嘗稼穡粟滿倉未嘗桑蠶絲滿
囊得之不以道用之必橫 秦族訓輪員輿方轅從衡橫
或從或橫或合衆弱或輔富強 王褒九懷芷閭兮葍
房奮搖兮衆芳茵閣兮蕙樓觀道兮從橫 李春兮陽陽
列艸兮成行余悲兮蘭生委積兮從橫 易林屯之否合

從散橫燕秦以強。列女傳魯莊哀姜頌哀姜好邪淫于魯莊延及二叔驕妬縱橫慶父是依國嫡以亡齊桓征伐酖殺哀姜。急就篇烏承祿令狐橫通章皆用陽韻。太玄經應次三一從一橫天網買買。常次五其從其橫天地之常。玄瑩立天之經曰陰與陽形地之緯曰從與橫表人之行曰晦與明。玄文故君子得位則昌失位則賤小人得位則橫失位則蹇。揚雄冀州牧箴冀土糜沸炫云如湯更盛更衰載從載橫。解朝上說人主下談公卿目如耀星舌如電光一從一橫論者莫當。崔駰河南尹箴諸夏勁強是從是橫徹我牆屋而師尹不匡。後漢書丁鴻傳臣聞天不可以不剛不剛則三光不明王不可以不彊不彊則宰牧從橫。周舉傳五經從橫周宣光參同契委志歸虛無無念以爲常證驗以推移心專不縱橫寢寐神相抱覺寤候存亡顏色浸以潤骨節益堅強。魏文帝廣陵觀兵詩觀兵臨江水水流何湯湯戈矛成山林玄甲耀日光猛將懷暴怒膽氣正縱橫。誰云江水廣一葦。

可以航 於黎陽作千騎隨風靡萬騎正龍驤金鼓震上
下千戚紛縱橫白旄若素霓丹旗發朱光 雜詩俯視清
水波仰看明月光天漢回西流三五正縱橫艸蟲鳴何悲
孤鴈獨南翔 悼天賦氣紆結以填胃不知涕之縱橫時
徘徊於舊處覩靈衣之在牀感遺物之如故痛爾身之獨
亡 陳思王贈白馬王彪詩大谷何寥廓山樹鬱蒼蒼霖
雨泥我塗流潦浩縱橫中達絕無軌改轍登高岡修坂造
雲日我馬玄以黃 阮籍莊論見下 吳錄吳民歌時歲
倉卒賊縱橫大戟強弩不可當賴遇賢令彭子陽 晉張
華博陵王宮俠曲騰超如激電迴旋如流光奮掣當手決
交刃自縱橫寧爲殤鬼雄義不入圍牆 左思蜀都賦都
人士女絃服靚粧賈貿帶鬻舛錯縱橫異物詭譎奇於八
方 蘇彥語箴爾乃游說縱橫騁技時王銜刃懷毒吐膏
示芳利動春露害重冬霜 夏侯湛彈碁賦滑石周散勢
縱橫捩撥挫擻應無方 後魏衛操桓帝頌遽遭寇暴白
骨交橫羯賊肆虐六郡凋傷羣惡相應圖及華堂旌旗

指羯黨破鑿

隋書天文志臣有姦心上不明臣下從橫

大水浩洋

天下大亂兵士亂行戰歿於野積尸從橫餘

殃不盡爲水旱兵飢疾疫之殃

禮記緇衣引詩狐裘黃

黃徐本作橫音黃

白虎通璜者橫也

釋名簧橫也於

管頭橫施於中也以竹鐵作於口橫鼓之亦是也

陳第

曰橫音黃說文橫从木黃聲

按橫字自漢傳毅舞賦羅

衣從風長袖交橫始與傾聲并驚輕清冥爲韻

又音光

史記外戚世家先驅旄騎出橫城門如淳曰橫

音光

三輔黃圖漢長安城北面西頭第一門名橫門橫

音光

水經注左傳昭公二十一年樂大心豐愆華恠禦

華向於橫杜預曰梁國睢陽縣南有橫亭今在睢陽縣西

南世謂之光城

淮南子玉橫維其西北之隅註橫猶光

也

去聲則古曠反

禮記明堂位夏后氏以巖註中足爲橫

距之象橫音古曠反又音光

樂記號以立橫橫以立武

音古曠反

詩閼宮箋其制足間有橫橫古曠反又音光

今此字三收於十一唐十二庚四十三映部中

蝗

古音同上 說文蝗从虫皇聲 宋庠國語補音蝗字下
云范宣音禮記作橫聲類集韻並音蝗爲橫是知古人讀
橫爲皇也 今此字三收於十一唐十二庚四十三映部
中

璫

古音同上 說文璫从玉皇聲

璫

古音同上 詩斯干八章乃生男子載寢之昧載衣之裳
載弄之璋其泣璫璫朱芾斯皇室家君王 執競不顯成

康上帝是皇自彼成康奄有四方斤斤其明鐘鼓皇皇磬
管將將降福穰穰 說文皇从口皇聲

鐃

古音同上 魏陳思王文帝誄鸞輿幽藹龍旂太常爰迄
太廟鐘鼓鐃鐃 晉傅玄鏡歌曲神祇應嘉瑞章恭宮禮
薦先皇樂時奏磬管鏘鼓殷殷鐘鐃鐃 說文鐃从金皇
聲

𦣻

古音同上 今此字兩收於十一唐十二庚部中

閑

甫官切

古音甫郎反 爾雅釋宮閑謂之門李巡曰閑廟門名孫
炎曰詩云祝祭于祊是也詳見下